

ING FATUM para cla pa asisti Gobierno den restructuracion di Aseguro Medico General



ORANJESTAD(AAN): -- ING Fatum a cumpli cincuenta aña di existencia ayera.

E compania a celebra e fecha historico aki cu entre otro, un lunch di negoshi y un congreso mini na Sonesta Hotel.

E congreso mini tabata tin como titulo "Cooperacion entre Gobierno y Companianan di Aseguro".

Oradornan tabata presidente di Banco Central di Aruba Hans du Marchie Sarvaas y representante di Hunta Ehecutivo di Grupo ING na Hulanda Herman Touw.

Den su speech, señor Touw a bisa cu Grupo ING ta hopi orguyoso di e resultadonan cu el a

logra den e ultimo seis añanan.

Na 1997, e compania a haci un ganashi di 4.1 biyon Florin Hulandes, cu ta un nifica un aumento di 26%.

Activonan total di Grupo ING ta 620.4 biyon Florin, e ekidad di shareholder ta 46.1 biyon Florin.

Grupo ING ta un compania mundial cu oficinanan na sesenta pais y cu 80.000 hende den servicio.

E compania tin cinco centro di maneho, esta, ING The Netherlands, ING Belgium (BBL), ING Financial Services International (FSI), ING Corporate & Investment Banking y ING Asset Management.

Tur operacion di aseguro y bankero di Grupo ING pafor di Hulanda ta forma parti di ING FSI, cu excepcion di Belgica.

ING Fatum por ehempel, ta cay bao ING FSI Europa y Latinoamerica.

Grupo ING ta riba number tres di companianan cu ta duna servicio financiero di más grandi na mundo.

E multinacional a nace na comienzo di añanan '90 na Hulanda, como resultado di un fusion entre e compania di aseguro Nationale Nederlanden y Banco Postal.

Tabata e prome biaha den historia cu un compania di aseguro y un banco a bira uno y a dicidi pa ofrece servicio financiero hunto.

E fusion a causa hopi rumor den mundo di aseguro y di banco pero awor seis aña despues, e compania ta piki su frutanan.

Su ehempel a wordo sigui pa mas empresa, tanto na Hulanda como otro paisnan di mundo.

Segun señor Touw, ING Fatum Aruba a contribui grandemente na e exito di ING Fatum.

Na 1997, ING Fatum a haci un ganashi di 150 miyon Florin en total, den cual ING Fatum Aruba a aporta cu cincuenta miyon Florin.

E compania a inverti e 150 miyon Florin aki den prestamonan gubernamental y hipotecanan.

Durante e lunch di negoshi di ayera, señor Touw a papia tambe di e relacion entre companianan di aseguro y gobierno, cu tabata e tema di e congreso mini.

Den su opinion, cuualquier solucion cu ta regarda restructurizacion di e sistema di aseguro social ta exigi participacion di e tres partnernan gobierno, dunadornan di trabao y trahadornan.

E ta kere cu companianan di

aseguro ta den un posicion excelente pa alivia e peso social cu gobierno ta carga pero cu nan mester wordo duna e oportunidad pa haci tal.

Esaki ta ilustra seguramente e importancia di e relacion entre gobierno y companianan di aseguro.

E forma pa yega na solucionnan riba termino largo riba tereno di aseguro social, asina representante di Hunta Ehecutivo di Grupo ING ta bisa, ta door di distribui e responsabilidnan na un bon manera.

Gobierno tin cu stop di actua como aseguro y laga na companianan di aseguro pa carga e responsabilidad pa percura pa solucionnan cu ta adecua y di un bon prijs.

E tarea di gobierno den esaki lo ta pa sostene e restructurizacion di e sistema di seguridad y actua como mediador den discusionnan.

Resultado lo ta deregulacion unda ta apropiada y espacio pa e forzanan di mercado haci nan trabao.

Den su speech, señor Touw a bisa cu e valornan adicional di companianan di aseguro ta nan hopi añanan di experiencia y nan conocimiento.

Herman Touw a pone enfasis riba e hecho cu e negoshi principal di companianan di aseguro ta hustamente pa trata cu situacionnan manera ta existi actualmente na Aruba riba tereno di restructurizacion di e sistema di seguridad.

Pa por provee benificionan aceptable cu ta pas cu e necesidadnan personal di e individuo, ta importante pa cubri e diferencianan entre e benificionan di seguridad social anterior y esun

nan cu gobierno por percura pe, asina señor Touw ta splica.

Pa por cubri e diferencianan aki, companianan di aseguro por ofrece paketenan di benificionan na e trahador cu ta combina tanto aseguro di bida, salud y discapacidad como plannan di pensioen.

Claro cu e intermediarionan di aseguronan como tambe e conseheronan lo usa nan experiencia y conocimiento den traha un paquete di benificio pa empleado cu lo cumbini cada individual o grupo.

Señor Touw a bisa ayera cu companianan di aseguro ta para cla pa asisti na cuualquier momento den restructurizacion di AZV, AOV y desarojo di aseguro di pensioen general APV.

Pa loke ta aseguro medico general AZV, e industria di aseguro a presenta un alternativa caba den e modelo di sinergia cual ta sigui e incentiva di sector priva pa controla gasto y eficiencia.

Segun señor Wout, cooperacion lo trece benificio pa tur partido envolvi.

Pa e dunadornan di trabao, e lo nifica gasto di personal controlable, metodonan di remuneracion alternativa y personal loyal y motiva.

Pa trahadornan, e lo encera motivacion halto y bon benificionan.

Pa gobierno, cooperacion lo nifica cu lo yega na un sistema di seguridad social basico cu ta sustentable y pagable.

E estructura nobo lo contribui alavez na recuperacion economico di Aruba, loke tur hende lo tin deseo pa mira!

Pabien

50 AÑA

ING FATUM

Kiko cu pasa

FIRST NATIONAL BANK OF ARUBA

ARUBA TRUST KANTOOR N.V.

Banco Nacional de Hipotecas N.V.

D.D. BRAKES

also Trucks Ford • Chevrolet • Toyota • Mazda • Dodge • Nissan

50% OFF

118 Selected BRAKE-PADS

15% off the rest

pa 4 dia so
for di 25 pa 29 April